



Maria Paola Comoli (a cura di), *Qui Viazzi... a voi studio – La radio, la nascita della terza rete TV, l'informazione oggi*, Erga edizioni, Genova 2014, pagg. 188

A scignôa ch'a l'â curòu questo libro a l'é a mogê do giornalista zeneize Cesare Viazzi, mancòu do 2012. Con l'aggiutto di trei figgi e de tanti amixi e coleghi a l'â ricostruîo a vitta no solo profescionale do màio e, a travèro de quella, a stòia de çinquant'anni de giornalismo inta radio e pôi inta televixiòn.

O l'é 'n libro interesantissimo, no solo perché o ne fa conosce mêgio o personaggio, ma ascì pe-e tante cöse che se vegne a savéi da testimoniànse de primma man, che rigoàrdan e nòstra çità, l'Italia e o mondo.

Tante bèlle fotografie in gianco e néigro completan l'insemme.



Aldo Repetto, *Dal volante alla forchetta – 100 “consigli” utili per mangiare bene fuori città*, De Ferrari, Genova 2014, pagg. 112

Comme l'é scrìto inta redoggia da covertinn-a, questa a no l'é 'na goidda: en consegna fruto de l'esperienza personale de l'aotò, dæti pe risponde a-a domanda: dove poria anà con di amixi, pe fâ 'na gita, mangiâ ben e spende o giusto (megio ancon: spende pöco)? Senza tanti preanboli, unn-a dòppo l'âtra e descriçioin di locali, con nom-

me, indirisso, telefono, òrari, cöse se mangia, quante ciù ò mênò se spende e comme se gh'ariva. I ciù tanti en inta provinsa de Zena, ma ghe n'é ascì inte quelle de Sann-a, de Inperia, de Spezza e de Lusciantria. Inte urtime pagine se parla do baxeicò, de òrigini do stòchefiscio, da prescinseua e de l'inportansa do gòtto giusto pe degustâ o vin (ma se o vin o no l'é bon, no gh'é gòtto che tegne...).



Rita Nello Marchetti, *Caterina e l'Angelo – Il volto popolare e l'anima nobile del Cimitero di Staglieno*, Erga edizioni, Genova 2014, pagg. 120

A Cataen do titolo a l'é a Campodonico de “reste e canestrelli”, l'Angiou o l'é o “nocchiero” da tonba Carpaneto, o libro o veu ese 'n òmaggio de l'aotrice a sò moæ, figgia de Antonio Deciann-e (Dellepiane) che, da garsonetto, pare o l'agge fæto da modello pròpio pe quel'angiou. Se parla de Stagen, da Cataninin Campodonico, da famiglia Deciann-e, ma ascì de tante memòie personali de l'aotrice, ch'a l'â 'n rapòrto seren co-o canposanto, tanto da mette in fondo a-o libro a riçetta do menestron a-a zeneize e ben ben de riçette de dosci, primmi tra tutti i canestrelli che però no en quelli da Paizann-a.

Scicomme o libro o l'é pe i turisti ascì, gh'é a traduçion in ingleize.

